

**ՀՀ ԲԱՐՁՐ ՏԵԽՆՈԼՈԳԻԱԿԱՆ  
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ  
ՏԵԽՆՈԼՈԳԻԱԿԱՆ ԷԿՈՀԱՄԱԿԱՐԳԻ  
ԶԱՐԳԱՑՄԱՆ ՎԱՐՉՈՒԹՅԱՆ ՊԵՏ  
ՀԱՅԿ ԵՆԳԻԲԱՐՅԱՆԻՆ**

**ՀԱՇՎԵՏՎՈՒԹՅՈՒՆ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ  
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ ՏԵԽՆՈԼՈԳԻԱԿԱՆ ԷԿՈՀԱՄԱԿԱՐԳԻ  
ԶԱՐԳԱՑՄԱՆ ՎԱՐՉՈՒԹՅԱՆ ՓՈՐՁԱԳԵՏԻ ԿՈՂՄԻՑ 2026 ԹՎԱԿԱՆԻ ՀՈՒՆՎԱՐԻ  
1-ԻՑ ՄԱՐՏԻ 20-Ը ԻՐԱԿԱՆԱՑՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ**

Հաշվետու ժամանակահատվածում կատարել են հետևյալ աշխատանքները․

**1. Հայաստանի բարձր տեխնոլոգիաների ոլորտի զարգացման ռազմավարական ծրագրի մշակման հետ կապված աշխատանքներ, մասնավորապես.**

- Բարձր տեխնոլոգիաների ոլորտի զարգացման ռազմավարական ծրագրի մշակման շրջանակում համակարգել են համապատասխան աշխատանքները, աջակցություն ցուցաբերել ծրագրի մշակումը իրականացնող «Ամերիա» ՓԲԸ-ի թիմին: Նախաձեռնվել և կազմակերպվել են հանդիպումներ ծրագրի մշակման թիմի և շահագրգիռ կողմերի միջև՝ ապահովելով անհրաժեշտ տեղեկատվության հասանելիությունը և նպաստելով աշխատանքների արդյունավետ կազմակերպմանը, ինչպես նաև որոշումների օպերատիվ կայացմանը:
- Հաշվետու ժամանակահատվածում կազմակերպվել են մի շարք հանդիպումներ և քննարկումներ ծրագրի մշակման թիմի, նախարարության պատասխանատուների, շահագրգիռ պետական մարմինների ներկայացուցիչների և այլ կողմերի մասնակցությամբ: Քննարկվել են ռազմավարական ծրագրի տեսլականը, արդյունքային շրջանակը և գործողությունների ծրագիրը: Ստացված դիտարկումների և առաջարկությունների հիման վրա շարունակվում է ռազմավարական ծրագրի նախագծի լրամշակումը:
- Հաշվետու ժամանակահատվածում ներգրավված են եղել ՀՀ փոխվարչապետի գրասենյակի համակարգմամբ ձևավորված Տնտեսական փոխակերպման և կայուն զարգացման ռազմավարության մշակման աշխատանքային խմբի աշխատանքներում: Մասնակցել են խմբի աշխատանքային հանդիպումներին և ներկայացրել

առաջարկություններ ռազմավարության տեսլականի և արդյունքային շրջանակի վերաբերյալ:

**2. «Բարձր տեխնոլոգիաների ոլորտի պետական աջակցության մասին» օրենքի կիրարկումն ապահովող աշխատանքներ, մասնավորապես.**

- Հայաստանի տեղեկատվական համակարգերի գործակալության թիմի հետ համագործակցությամբ համակարգել են աշխատանքները՝ ուղղված 2025 թվականի 3-րդ եռամսյակի բարձր տեխնոլոգիաների ոլորտի պետական աջակցության ընտրանքային ստուգումներին և աջակցության առցանց հաշվարկի համակարգի կատարելագործմանը: Հանդիսացել են նախարարության կոնտակտային անձը՝ ապահովելով Գործակալության ծրագրավորման թիմի և ՊԵԿ աշխատակիցների համար անհրաժեշտ տեղեկատվության, առաջարկությունների, դիտողությունների և պարզաբանումների տրամադրումը:
- Ներկայացրել են առաջարկություններ՝ 2026 թվականի հունվարից «Բարձր տեխնոլոգիաների ոլորտի պետական աջակցության մասին» օրենքի շրջանակում աշխատանքային միգրանտների համար պետական աջակցության տրամադրման հայտերի ներկայացման գործընթացի և աջակցության ինքնաշխատ հաշվարկման մեխանիզմների վերաբերյալ:
- Ներկայացրել են առաջարկություններ օրենքի և դրանից բխող ենթաօրենսդրական ակտերի փոփոխությունների և լրացումների վերաբերյալ՝ ուղղված կարգավորումների հստակեցմանը, գործընթացների բարելավմանը և թվային օպտիմալացմանը, իրավական բացերի վերացմանը, ինչպես նաև շահագրգիռ կողմերից ստացված առաջարկությունների համակարգված հասցեագրմանը:

**3. Գիտական հետազոտությունների և փորձարարական մշակումների (R&D) աշխատանքները որպես այդպիսին որակելու աշխատանքների գործընթացին աջակցություն.**

- Կատարել են շահագրգիռ մարմինների, մասնավորապես, ՀՀ ԿԳՄՄՆ բարձրագույն կրթության և գիտության կոմիտեի հետ համագործակցության ապահովման, R&D աշխատանքները որպես այդպիսին որակելու հայտերի ուսումնասիրման գործընթացի վերաբերյալ շահառուներին համապատասխան տեղեկատվության տրամադրման և այլ աջակցող աշխատանքներ:

**4. Համագործակցություն ոլորտի շահառու ասոցիացիաների և կազմակերպությունների հետ.**

- Հաշվետու ժամանակահատվածում մասնակցել են ոլորտի շահառու ասոցիացիաների և կազմակերպությունների հետ մի շարք առերես և առցանց հանդիպումների և քննարկումների:

## 5. Այլ աշխատանքներ

- Հավաքագրել, մշակել և նախարարության աշխատակիցներին տրամադրել են նրանց կողմից պահանջված տեղեկատվությունը:
- Պատասխանել են այլ պետական մարմիններից ստացված պաշտոնական գրություններին:
- Պատասխանել են ոլորտի կազմակերպությունների և քաղաքացիների կողմից ստացված գրավոր հարցումներին և դիմումներին:
- Պատասխանել են շահառու կազմակերպություններից և քաղաքացիներից ստացված հեռախոսազանգերին՝ տրամադրելով անհրաժեշտ խորհրդատվություն:
- Կատարել են մի շարք այլ ընթացիկ աշխատանքներ:


ՏԷՋ ՎԱՐՉՈՒԹՅԱՆ ՓՈՐՁԱԳԵՏ

  
ստորագրություն

ԼՈՒՍԻՆԵ ԹՈՎՄԱՍՅԱՆ

«20» մարտ 2026թ.

Հաշվետու ժամանակաշրջանում կատարած աշխատանքները գնահատում են « բերանակց »

  
անմիջական ղեկավարի ստորագրություն

ՀԱՅԿ ԵՆԳԻԲԱՐՅԱՆ

«20» մարտ 2026թ.